

Prvi zamjenik visokog predstavnika Moore sastao se sa predsjednicom Kreso, predsjednikom Novkovićem i glavnim tužiocem Barašinom



Prvi zamjenik visokog predstavnika Roderick Moore sastao se danas u Sarajevu sa predsjednicom Suda Bosne i Hercegovine Meddžidom Kreso, predsjednikom Visokog sudskog i tužilačkog vijeća Bosne i Hercegovine Miloradom Novkovićem i glavnim tužiocem BiH Miloradom Barašinom.

Ambasador Moore izrazio je svoju snažnu podršku državnim pravosudnim institucijama, uspostavljenim Zakonom o Sudu Bosne i Hercegovine, Zakonom o Tužilaštvu BiH i Zakonom o Visokom sudskom i tužilačkom vijeću BiH, posebno u pogledu njihove značajne uloge u privođenju pred lice pravde ratnih zločinaca, korumpiranih zvaničnika i osoba koja se bave organiziranim kriminalom.

“Sud BiH ima ključnu ulogu u ovoj zemlji u osiguravanju najvišeg stepena međunarodno priznatih ljudskih prava i temeljnih sloboda,” izjavio je ambasador Moore.